

Haneman Mülner 6 scheffel sines czinses in der obern Mül und 14 bemysche gr vor 7 ½ schoc mysner gr, dy ym Haneman Mülner dor^{a)} uff geligen habe, innewennigt vier jare und czu losen. Wenne dy vier jare us chomen mochte Andres Nuesntad adir syne erbin des egnanten czinses nicht wider gelozin, so sol Andres Nuenstad adir syne erbin und Haneman Molner adir syne erben iclicher syner frunde ein teyl nemen. Dy sullen denne achten, wes der obgnante czinsz wert sye und waz Haneman Molner zu den 7 ½ schocken Andres Nuestaden zu gebin sulle, daz der czins dy sechs scheffel und 14 gr vorgeldin sy, des sullen sy beide vol volgen. Gesche, daz bynne der vier jare Andres adir Haneman abesturbe, so sol einer des andern erbin und eins erbin losunge und alle dy obgeschr(iebene) und nachgeschr(iebene) rede stete und gancz halden. Ouch ob Haneman Molner adir syne erbin den czins chowften nach achtonge irer frunde, als egeschr(ieben) ist, so sol Andris Nuenstad adir syne erbin Haneman Mülner und syne erbin des czinses weren und yn den vor ansprachen entwerren nach erchentnis irer obgnanten frunde, als irer und chowfes recht ist. Actum anno domini M° CCC LXXXsexto vigilia Symonis et Jude.

a) folgt durchgestrichen be

119.

1387 März 28

Frau Clara Schakan vermachet ihren Besitz ihrem Ehemann.

fol. 19r Wisset daz vor uns chomen ist in unser siczenden rat frawe Clara Tschakanen und hat mit guten willin Hansen von Wyda, erem elichen wirte, ggebin und ufgelazin alle dy guter, varnde und unvarnde, dy sy hat und ouch^{a)} dy sy von irer muter und bruder angestorbin und gevallin syn, dy von dem rat der stad zu lehen gen, wo sy gelegen sin und wy sy namen habin. Dy selbin guter habe wir Johansen von Wida obgnanten geligen zu eynem rechten erbe mit allen den rechten, als sy im dy uffgelazin hat. Actum M° CCC LXXXseptimo feria quinta proxima ante palmarum.

a) über die Zeile geschrieben

120.

1387 Juni 26

Johannes Schowbing kauft einen jährlichen Zins.

fol. 19r Wisset das Johannes Schowbing, der alde schulmeister, wider Nickeln den alden Werdis gechowft hat 35 gr mysner ^(a)und zwei hūner^{a)} jerlichs czinses umbe syben schoc mysner gr. Den czins der alde Nickel Werdis uff